

Ո Ր Ո Շ ՈՒ Մ թիվ - 162
վարչական տույժ նշանակելու մասին

«05» մայիսի 2023թ.

ք. Երևան

ՀՀ պետական եկամուտների կոմիտեի իրավաբանական վարչության պետ Ա. Մնացականյանս, քննելով Իսա Ռամազանի Օրուչի վերաբերյալ նյութերը՝

Պ Ա Ր Զ Ե Ց Ի՝

2022 թվականի հունիսի 05-ին ՀՀ ՊԵԿ Հյուսիսային մաքսատուն-վարչության աշխատակիցները Բավրայի մաքսային կետ-բաժնի հսկողության տարածքում զննության են ենթարկել Բուլղարիայից ՀՀ ժանանած Իսա Օրուչի կողմից շահագործվող «VOLVO» մակնիշի, E4132KP հաշվառման համարանիշի բեռնատար ավտոմեքենան, ինչի արդյունքում տրանսպորտային միջոցից հայտնաբերել են չհայտարարագրված 20 անվանումով 47 տուփ տարբեր դեղամիջոցներ:

Փաստի առթիվ Իսա Օրուչի նկատմամբ ՀՀ մաքսային օրենսգրքի 203-րդ հոդվածի հատկանիշներով կազմվել է մաքսային կանոնների խախտման վերաբերյալ արձանագրություն, իսկ վերոնշյալ ապրանքը, որպես իրավախախտման անմիջական օբյեկտ, վերցվել և ի պահ է հանձնվել Հյուսիսային մաքսատուն-վարչության մաքսային հսկողության պահեստում:

Վարչական վարույթի ընթացքում Իսա Օրուչը բացատրությամբ հայտնել է, որ հայտնաբերված դեղամիջոցները ինքն է օգտագործում, քանի, որ ունի շաքարային դիաբետ, արյան ճնշում, շնչառական խրոնիկ հիվանդություն, այդ պատճառով 20 անվանում դեղամիջոց է եղել իր մոտ, որոնք չի հայտարարագրել:

28.06.2022թ. նշանակվել է «Նյութագիտական և ապրանքագիտական համալիր» փորձաքննություն, որի կատարումը հանձնարարվել է ՀՀ ԱՆ «Փորձագիտական կենտրոն» պետական ոչ առևտրային կազմակերպության փորձագետին:

05"08"2022թ-ին որոշմամբ Իսա Օրուչի վերաբերյալ վարչական վարույթի ժամկետը երկարաձգվել է՝ մինչև փորձագիտական եզրակացության ստանալը:

ՀՀ «Փորձագիտական կենտրոն» պետական ոչ առևտրային կազմակերպության փորձագետի 12.04.2023թ. թիվ 11582205 եզրակացության համաձայն՝ փորձաքննությանը ներկայացված վերոնշյալ դեղորայքի շուկայական արժեքը 2022 թվականի հունիսի 05-ի դրությամբ կարող էր կազմել ընդհանուր՝ 33 630 ՀՀ դրամ:

Պարզելու համար, թե՛ որքան է կազմել վերոհիշյալ դեղորայքի մաքսային արժեքը՝ 21.04.2023թ-ին գրությամբ հարցում է կատարվել ՊԵԿ մաքսային հսկողության վարչություն, որտեղից ստացված պատասխան գրության համաձայն՝ 12.04.2023թ. թիվ 11582205 եզրակացությունում նկարագրված ապրանքների մաքսային արժեքը 2022 թվականի հունիսի 5-ի դրությամբ կկազմի ընդհանուր՝ 28 024 ՀՀ դրամ: Միաժամանակ հայտնվել է, որ ԵՏՀ կոլեգիայի 21.04.2015թ. թիվ 30 որոշման 2.14 կետով սահմանված սահմանափակումների ենթակա ապրանքների միասնական ցանկի և ՀՀ կառավարության թիվ 202-Ն առ 28.02.2019թ. որոշման համաձայն՝ վերը նշված ապրանքները ոչ ԵԱՏՄ անդամ երկրներից ներմուծելու դեպքում առաջանում է ոչ սակագնային կարգավորման միջոցների կիրառում:

Վարչական վարույթի ընթացքում հարցում է կատարվել Իսա Օրուչի սահմանահատումների վերաբերյալ, որին ի պատասխան հայտնվել է, որ 18"09"2022 վերջինս իր կողմից շահագործվող «VOLVO» մակնիշի, E4132KP հաշվառման համարանիշի ավտոմեքենայով Բավրայի մաքսային կետ-բաժնով լքել է Հայաստանի Հանրապետության տարածքը:

ԵԱՏՄ մաքսային օրենսգրքի 104-րդ հոդվածի համաձայն՝ ապրանքները ենթակա են մաքսային հայտարարագրման դրանք մաքսային ընթացակարգով ձևակերպելու կամ սույն Օրենսգրքին համապատասխան սահմանված այլ դեպքերում: Մաքսային հայտարարագրումն իրականացվում է հայտարարատուի կամ մաքսային ներկայացուցչի կողմից, եթե սույն օրենսգրքով այլ բան սահմանված չէ: Միաժամանակ հայտարարագրումն իրականացվում է գրավոր կամ էլեկտրոնային եղանակով:

ԵԱՏՄ մաքսային օրենսգրքի 83-րդ հոդվածի համաձայն՝ որպես մաքսային ընթացակարգով ձևակերպվող ապրանքների հայտարարատուներ կարող են հանդես գալ անդամ պետության անձը, որն ունի ապրանքների տիրապետման, օգտագործման և (կամ) տնօրինման իրավունք, եթե ապրանքերը միության մաքսային սահմանով տեղափոխվում են այն գործարքի շրջանակներից դուրս, որի կողմերից մեկն օտարերկրյա անձ է:

ԵԱՏՄ մաքսային օրենսգրքի 2-րդ հոդվածի 10-րդ կետի համաձայն՝ «արգելքներն ու սահմանափակումներն»՝ Միության մաքսային սահմանով տեղափոխվող ապրանքների նկատմամբ կիրառվող ոչ սակագնային կարգավորման միջոցներ են:

«Եվրասիական տնտեսական միության մասին» պայմանագրի 46-րդ հոդվածով սահմանված են ոչ սակագնային կարգավորման միջոցները, այն է. «Երրորդ երկրների հետ առևտրում Միության կողմից ընդունվում են ոչ սակագնային կարգավորման հետևյալ միջոցները՝ 1) ապրանքների ներմուծման և (կամ) արտահանման արգելք, 2) ապրանքների ներմուծման և (կամ) արտահանման քանակական սահմանափակումներ, 3) ապրանքների ներմուծման և (կամ) արտահանման բացառիկ իրավունք, 4) ապրանքների ներմուծման և (կամ) արտահանման ավտոմատ լիցենզավորում (հսկում), 5) ապրանքների ներմուծման և (կամ) արտահանման թույլատրական կարգ»:

ՀՀ կառավարության 28.02.2019թ. թիվ 202-Ն որոշման 4-րդ կետի համաձայն՝ դեղագործական արտադրանքը ՀՀ է ներմուծվում ՀՀ առողջապահության նախարարության կողմից տրված ներմուծման հավաստագրի հիման վրա:

«Եվրասիական տնտեսական միության մասին» պայմանագրի 46-րդ հոդվածով սահմանված են ոչ սակագնային կարգավորման միջոցները, այն է. «Երրորդ երկրների հետ առևտրում Միության կողմից ընդունվում են ոչ սակագնային կարգավորման հետևյալ միջոցները՝ 1) ապրանքների ներմուծման և (կամ) արտահանման արգելք, 2) ապրանքների ներմուծման և (կամ) արտահանման քանակական սահմանափակումներ, 3) ապրանքների ներմուծման և (կամ) արտահանման բացառիկ իրավունք, 4) ապրանքների ներմուծման և (կամ) արտահանման ավտոմատ լիցենզավորում (հսկում), 5) ապրանքների ներմուծման և (կամ) արտահանման թույլատրական կարգ»:

Դեղորայքն ընդգրկված է ԵՏՀ կոլեգիայի 21.04.2021թ թիվ 30 որոշմամբ սահմանված սահմանափակումների ենթակա ապրանքների միասնական ցանկում (կետ 2.14):

ԵԱՏՄ մաքսային օրենսգրքի 12-րդ հոդվածի 3-րդ մասի համաձայն՝ միության մաքսային տարածք ապրանքների ժամանման կամ Միության մաքսային տարածքից ապրանքների մեկնման ժամանակ համապատասխան արգելքների եւ սահմանափակումների չպահպանման դեպքեր հայտնաբերելու դեպքում մաքսային մարմինը որոշում է ընդունում Միության մաքսային տարածք ապրանքների ներմուծումը կամ Միության մաքսային տարածքից ապրանքների արտահանումն արգելելու մասին և դրա մասին տեղեկացնում է փոխադրողին, իսկ նրա բացակայության դեպքում՝ Միության մաքսային տարածք ապրանքների ներմուծման կամ Միության մաքսային տարածքից ապրանքների արտահանման պահին այդ ապրանքները տիրապետելու, օգտագործելու և (կամ) տնօրինելու իրավունք ունեցող անձին:

ԵԱՏՄ մաքսային օրենսգրքի 12-րդ հոդվածի 4-րդ կետի համաձայն՝ արգելքների եւ սահմանափակումների պահպանումը միության մաքսային սահմանով ապրանքներ տեղափոխելիս, միության մաքսային տարածք ապրանքների ներմուծումն արգելելու մասին մաքսային մարմնի որոշումն ստանալուց հետո միության մաքսային տարածքից անհապաղ արտահանելու անհնարինության դեպքում այդպիսի ապրանքներն արգելանքի են վերցվում (արգելապահվում են) մաքսային մարմնի կողմից՝ սույն Օրենսգրքի 51-րդ գլխին համապատասխան:

ԵԱՏՄ մաքսային օրենսգրքի 84-րդ հոդվածի համաձայն՝ Հայտարարատուն պարտավոր է՝ կատարել ապրանքների մաքսային հայտարարագրում. սույն Օրենսգրքով նախատեսված դեպքերում մաքսային մարմին ներկայացնել մաքսային հայտարարագրում ներկայացված տեղեկությունները հաստատող փաստաթղթեր. ներկայացնել հայտարարագրվող ապրանքները՝ սույն Օրենսգրքով նախատեսված դեպքերում կամ մաքսային մարմնի պահանջով. վճարել մաքսային վճարները, հատուկ, հակազնագցման, փոխհատուցման տուրքերը և (կամ) ապահովել դրանց վճարման պարտավորության կատարումը՝ սույն Օրենսգրքին համապատասխան: Նույն հոդվածի 3-րդ կետի համաձայն՝ Հայտարարատուն, անդամ պետությունների օրենսդրությանը համապատասխան, պատասխանատվություն է կրում սույն հոդվածի 2-րդ կետով նախատեսված պարտականությունները չկատարելու, մաքսային հայտարարագրում ոչ հավաստի տեղեկություններ ներկայացնելու, ինչպես նաև մաքսային ներկայացուցչին անվավեր, այդ թվում՝ կեղծ և (կամ) ակնհայտ ոչ հավաստի (սուտ) տեղեկություններ պարունակող փաստաթղթեր ներկայացնելու համար:

ՀՀ մաքսային օրենսգրքի 189-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 203-րդ հոդվածի 3-րդ պարբերության համաձայն՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը՝ որն առաջացնում է ոչ սակագնային կարգավորման միջոցների չկիրառում՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ այդ ապրանքների և տրանսպորտային միջոցների մաքսային արժեքի չափով:

ՀՀ մաքսային օրենսգրքի 219-րդ հոդվածի համաձայն՝ մաքսային կանոնների խախտման վերաբերյալ գործը քննվում է վարչական պատասխանատվության ենթարկվող անձի մասնակցությամբ: Գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս:

Այսպիսով, նյութերով պարզվել է, որ 2022 թվականի հունիսի 05-ին, Իսա Օրուչը իր կողմից վարվող «VOLVO» մակնիշի, E4132KP հաշվառման համարանիշի բեռնատար ավտոմեքենայում

սրահում տեղադրելով, ՀՀ մաքսային սահմանով առանց հայտարարագրման տեղափոխել է 28 024 ՀՀ դրամ մաքսային արժեքով ընդհանուր 47 տուփ տարբեր անվանումներով դեղորայք, այսինքն՝ Իսա Օրուչը թույլ է տվել ՀՀ մաքսային օրենսգրքի 203-րդ հոդվածի 3-րդ պարբերությամբ նախատեսված մաքսային կանոնների խախտում, ինչը հիմնավորվում է 05.06.2022թ-ի մաքսային զննման ակտով, մաքսային կանոնների խախտման վերաբերյալ արձանագրությամբ, ՀՀ «Փորձագիտական կենտրոն» պետական ոչ առևտրային կազմակերպության փորձագետի 12.04.2023թ. թիվ 11582205 եզրակացությամբ, Իսա Օրուչի բացատրությամբ և ՊԵԿ մաքսային հսկողության վարչության 03.05.2023թ. գրությամբ:

Վերոգրյալի հիման վրա և ղեկավարվելով ՀՀ ՎԻՎ օրենսգրքի 281-րդ հոդվածով, ՀՀ մաքսային օրենսգրքի 203-րդ հոդվածի 1-ին մասի 3-րդ պարբերությամբ, 206-րդ և 221 հոդվածներով,

Ո Ր Ո Շ Ե Ց Ի՝

1. Իսա Ռամազանի Օրուչին (անձանագիր՝ U24296051, Թուրքիա, ք.Ստամբուլ, Ավգիլար տուն 35/9) ճանաչել զանցառու ՀՀ մաքսային օրենսգրքի 203-րդ հոդվածի 3-րդ պարբերությամբ և նրան տուգանել դեղամիջոցների մաքսային արժեքի չափով՝ 28 024 ՀՀ դրամ: /վճարումը 900005024055 հաշվեհամարին, կող-19/

2. Չհայտարարագրված 20 անվանումով 47 տուփ տարբեր անվանումներով դեղորայքը վերցնել արգելանքի:

3. Որոշման մասին հայտնել Ի.Օրուչին՝ պարզաբանելով ՀՀ մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: ՀՀ մաքսային օրենսգրքի 222-րդ հոդվածի համաձայն՝ որոշումը կարող է բողոքարկվել վերադաս մաքսային մարմին՝ դա կայացնելուց հետո 10 օրվա ընթացքում կամ ՀՀ վարչական դատարան երկու ամսվա ընթացքում:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



ԱՐՄԱՆ ՄՆԱՑԱԿԱՆՅԱՆ